

ხელშეკრულება N4
სახელმწიფო შესყიდვის შესახებ
 CPV 66500000; 66511000; 66512000;

(ხელშეკრულების პირობები დაზუსტდება ხელშეკრულების გაფორმებისას სატენდერო პირობების შესაბამისად)

ქ. ფოთი

22 დეკემბერი 2020 წ.

ერთი მხრივ, სსიპ „საქართველოს სახელმწიფო ჰიდროგრაფიული სამსახური“ (შემდგომში წოდებული „შემსყიდველად“/„დამზღვევად“) წარმოდგენილი მისი დირექტორის რევაზ ბაბილუას სახით და მეორე მხრივ, **სს სადაზღვევო კომპანია პრაიმი** (შემდგომში წოდებული „მიმწოდებლად“/„მზღვეველად“) წარმოდგენილი მისი გენერალური დირექტორის ნიკიტა ჰუსეინოვის სახით, სსიპ „საქართველოს სახელმწიფო ჰიდროგრაფიული სამსახური“-ს მიერ სიცოცხლის, უბედური შემთხვევისა და ჯანმრთელობის დაზღვევის მომსახურების შესყიდვის მიზნით ჩატარებული ელექტრონული ტენდერის (ტენდერი: № SPA200003035) გათვალისწინებით ვდებთ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველს/დამზღვევს და მიმწოდებელს/მზღვეველს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელზეც გაფორმებულია წინამდებარე ხელშეკრულება.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“/„დამზღვევი“ – ორგანიზაცია, რომელიც ახორციელებს შესყიდვას და დებს წინამდებარე ხელშეკრულებას „მზღვეველთან“.
- 1.5. „მიმწოდებელი“/„მზღვეველი“ – პირი, რომელიც ახორციელებს სადაზღვევო მომსახურების მიწოდებას წინამდებარე ხელშეკრულების ფარგლებში.
- 1.6. „მომსახურება“ – წინამდებარე ხელშეკრულებების შესაბამისად დაზღვეული პირების უზრუნველყოფა, ამავე ხელშეკრულებით განსაზღვრული სადაზღვევო მომსახურებით.
- 1.7. „ტექნიკური დავალება“ – „მიმწოდებლის“/„მზღვეველის“ მიერ წარდგენილი სატენდერო დოკუმენტაციის ტექნიკური დავალება, რომელიც თან ერთვის წინამდებარე ხელშეკრულებას **დანართი N 1** ის სახით და წარმოადგენს მის განუყოფელ ნაწილს.
- 1.8. „დაზღვეული“ – „შემსყიდველთან“/„დამზღვევთან“ შრომით ურთიერთობაში მყოფი პირი ან/და ამ უკანასკნელის ოჯახის წევრი (მეუღლე და შვილები 18 წლამდე, 18 დან 25 წლამდე შვილების დაზღვევა შესაძლებელი უნდა იყოს ინდივიდუალური პრემიის გადახდის საფუძველზე), რომლის მიმართაც ხორციელდება დაზღვევა და რომელთა სია მოცემულია წინამდებარე ხელშეკრულების **დანართ N 2** ში.
- 1.9. „მოსარგებლე“ – დაზღვეული ან პირი, რომელიც წინამდებარე ხელშეკრულებისა და საქართველოში მოქმედი კანონმდებლობის შესაბამისად უფლებამოსილია მიიღოს სადაზღვევო ანაზღაურება;
- 1.10. „თანამშრომლები“ – „შემსყიდველთან“/„დამზღვევთან“ შრომით ურთიერთობაში მყოფი პირები, რომლებიც ჩამოთვლილნი არიან დანართ **დანართ N 2** ში;
- 1.11. „თანამშრომელთა“ ოჯახის წევრები - „თანამშრომლის“ მეუღლე და შვილები, რომლებიც ჩამოთვლილნი არიან **დანართ N 2** - ში;
- 1.12. „სადაზღვევო თანხა“ – წინამდებარე ხელშეკრულებასა და ბარათში მითითებული ანაზღაურების მაქსიმალური ლიმიტი, რომლის ფარგლებშიც „მიმწოდებელი“/„მზღვეველი“ კისრულობს ვალდებულებას გასცეს სადაზღვევო ანაზღაურება ხელშეკრულების პირობების შესაბამისად;
- 1.13. „სადაზღვევო ბარათი“ – განხორციელებული დაზღვევის დამადასტურებელი დოკუმენტი, რომელიც დაზღვეულს აძლევს უფლებას სადაზღვევო შემთხვევის დადგომისას მოითხოვოს სადაზღვევო ანაზღაურება, წინამდებარე ხელშეკრულებით გათვალისწინებული პირობებითა და ოდენობით;
- 1.14. „სადაზღვევო ანაზღაურება“ – თანხა ან მომსახურება, რომელიც „შემსყიდველისგან“/„მზღვეველისგან“ ეკუთვნის „დაზღვეულს“/„მოსარგებლეს“ „სადაზღვევო შემთხვევის“ დადგომისას;
- 1.15. „სადაზღვევო პრემია“ – „შემსყიდველის“/„დამზღვევის“ მიერ გადასახდელი თანხა, რომლის ოდენობა და გადახდის წესი განსაზღვრულია წინამდებარე ხელშეკრულებით და რომელიც წარმოადგენს „მიმწოდებლის“/„მზღვეველის“ მიერ გასაწევი სადაზღვევო მომსახურების საფასურს;
- 1.16. „სადაზღვევო შემთხვევა“ – ფაქტობრივად დამდგარი შემთხვევა, როდესაც წინამდებარე ხელშეკრულება ითვალისწინებს „მიმწოდებლის“/„მზღვეველის“ მიერ „დაზღვეულის“/„მოსარგებლის“ მიმართ „სადაზღვევო ანაზღაურების“ გადახდას;
- 1.17. „დაზღვევის პირობები“ – წინამდებარე ხელშეკრულებაში და მის დანართ **დანართ N 1** ში – ტექნიკურ დავალებაში მითითებული პირობები, რომლებიც განსაზღვრავს სადაზღვევო დაფარვის შინაარსს და მისი განხორციელების წესებს;
- 1.18. „ტერიტორიული ლიმიტი“ – ტერიტორია, რომელზეც ვრცელდება წინამდებარე ხელშეკრულებით გათვალისწინებული დაზღვევა; წინამდებარე ხელშეკრულებით დაზღვევის ტერიტორიად განისაზღვრება მხოლოდ საქართველო (გარდა კონფლიქტური რეგიონებისა); სამოგზაურო დაზღვევის შემთხვევაში, დაზღვევის მოქმედების ტერიტორია განისაზღვრება კონკრეტული სამოგზაურო დაზღვევის ბარათით (პოლისით);

მხარეთა ხელმოწერები

„მზღვეველი“

„დამზღვევი“

1.19 „საოჯახო პაკეტი“ - ეზღვევა მეუღლე და შვილები (ოჯახის ქვეშ იგულისმება შვილები 18 წლამდე, 18-დან 25 წლამდე შვილების დაზღვევა შესაძლებელი უნდა იყოს ინდივიდუალური პრემიის გადახდის საფუძველზე), იგივე სადაზღვევო პოლისის პირობების შესაბამისად (გარდა სამოგზაურო დაზღვევისა, სიცოცხლისა და უბედური შემთხვევის დაზღვევისა, ორსულობა/მშობიარობის ხარჯი უნდა ვრცელდებოდეს თანამშრომელსა და მის მეუღლეზე). თანამშრომლის შვილს, რომელსაც სადაზღვევო პაკეტში მითითებული ზღვრული ასაკი შეუსრულებდა ხელშეკრულების გაფორმების შემდგომ, სადაზღვევო მომსახურება უნარჩუნდება, საბიუჯეტო წლის განმავლობაში.

2. ხელშეკრულების საგანი

2.1. წინამდებარე ხელშეკრულების საგანს წარმოადგენს სსიპ „საქართველოს სახელმწიფო ჰიდროგრაფიული სამსახურის 85 თანამშრომლისათვის სიცოცხლის, უბედური შემთხვევისა და ჯანმრთელობის დაზღვევის მომსახურება. (შემდგომში – შესყიდვის ობიექტი) შესყიდვა ელექტრონული ტენდერის საშუალებით CPV 66500000; 66511000; 66512000;

2.2. წინამდებარე ხელშეკრულებას დანართების სახით თან ერთვის „მიმწოდებლის“/„მზღვეველის“ ჯანმრთელობის დაზღვევის პირობები (**დანართი N 1** – „დაზღვევის პირობები“) და „დაზღვეულთა“ სია (**დანართი N 2**), რომლებიც წარმოადგენს მის განუყოფელ ნაწილს.

2.3. წინამდებარე ხელშეკრულებისა და „დაზღვევის პირობების“ საფუძველზე „დაზღვეულებისათვის“ გაიცემა შესაბამისი „სადაზღვევო ბარათები“. წინამდებარე ხელშეკრულება, „დაზღვევის პირობებთან“ და „სადაზღვევო ბარათებთან“ ერთად შეადგენს ერთ მთლიან შეთანხმებას „მხარეთა“ შორის.

2.4 სადაზღვევო კომპანია ვალდებულია, სსიპ „საქართველოს სახელმწიფო ჰიდროგრაფიული სამსახური“-ს თანამშრომლებს, რომელთაც სურთ ისარგებლონ გაუმჯობესებული ინდივიდუალური ან საოჯახო სადაზღვევო პაკეტით, შესთავაზოს არანაკლებ 1 (ერთი) გაუმჯობესებული პაკეტის ვარიანტი.

2.5 სადაზღვევო მომსახურების გაწევა უნდა განხორციელდეს საქართველოს მთელ ტერიტორიაზე.

2.6 სატენდერო დოკუმენტაცია (ტენდერი: **SPA200003035**) და მასთან დაკავშირებული დოკუმენტაცია წარმოადგენს, წინამდებარე ხელშეკრულების განუყოფელ ნაწილს და განიხილება მასთან მთლიანობაში.

2.7 სამოგზაუროდაზღვევა უნდა განისაზღვროს წელიწადში მინ. 2 კვირით, ხოლო ბენეფიტის სახით სამსახურის შვიდი თანამშრომლისათვის სამოგზაურო დაზღვევის პერიოდი უნდა განისაზღვროს მინ. 30 დღით. რომელთა სია მოცემულია წინამდებარე ხელშეკრულების **დანართ N 2 ში**.

2.8 ბენეფიტის სახით სამსახურის შვიდ თანამშრომელზე სამოგზაური დაზღვევის მინ. 30 დღიანი ვადის ამოწურვის შემდეგ მათზე გაიცემა 2 კვირიანი სადაზღვევო პოლისი.

2.9 პოლისის მოწოდება მზღვეველმა უნდა უზრუნველყოს. ქ. ფოთში.

2.10 ამ შესყიდვით გათვალისწინებულმა სადაზღვევო მომსახურებამ არ უნდა შეაფერხოს დაზღვეულის მიერ საჭიროების შემთხვევაში, საყოველთაო დაზღვევით სარგებლობა და არც ერთ მომსახურებაზე არ უნდა გააჩნდეს მოცდის პერიოდი.

3. ხელშეკრულების მოქმედების ვადები

3.1. ხელშეკრულება ძალაში შედის ხელშეკრულებაზე ხელმოწერის დღიდან და მოქმედებს 2022 წლის 25 თებერვლის ჩათვლით.

3.2. ხელშეკრულებით განსაზღვრული დაზღვევის პერიოდი ძალაში შედის 2021 წლის 01 იანვრიდან და მოქმედებს 2021 წლის 31 დეკემბრის ჩათვლით.

4. ხელშეკრულების ჯამური ღირებულება და ანგარიშსწორების წესი

4.1. ხელშეკრულების ჯამური სატენდერო ღირებულება შეადგენს: 40086.00 (ორმოციათას ოთხმოცდაექვსი) ლარს. დღგ-ს გარეშე

4.2. საოჯახო დაზღვევისას დამატებით წარმოშობილი მომსახურების ღირებულების ანაზღაურებას უზრუნველყოფს თავად სამსახურის თანამშრომელი, ან შემსყიდველი, თანამშრომელს დაუქვითავს ხელფასიდან აღნიშნულ სხვაობას და გადაურიცხავს სადაზღვევო კომპანიას.

4.3 სახელმწიფო სადაზღვევო პროგრამით თანხის ანაზღაურების შემთხვევაში „მზღვეველს“ ეკისრება ვალდებულება დარჩენილი თანხის იმ პროცენტული განაკვეთით ანაზღაურება, რაც გათვალისწინებული იქნება სადაზღვევო პაკეტში.

4.4. ხელშეკრულების ჯამური ღირებულება მოიცავს წინამდებარე ხელშეკრულებითა და ამ ტენდერით გათვალისწინებული დაზღვევის შეძენასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს (საშემოსავო გადასახადის გარდა). გადასახადს,

4.5. „მიმწოდებელთან“/„მზღვეველთან“ ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

4.6. ანგარიშსწორება მოხდება ეტაპობრივად, ყოველთვიურად, მზღვეველის მიერ წარმოდგენილი მომსახურების ღირებულების ამსახველი დოკუმენტის წარმოდგენიდან არაუგვიანეს 10 (ათი) სამუშაო დღის განმავლობაში (ავანსი არ გამოიყენება).

4.7. ანგარიშსწორება მოხდება უნაღდო ანგარიშსწორებით ლარში, ფაქტიურად დაზღვეული თანამშრომლების ოდენობის მიხედვით (დაზღვევის პოლისების შესაბამისად).

4.8 სადაზღვევო კომპანია ვალდებულია, სსიპ „საქართველოს სახელმწიფო ჰიდროგრაფიული სამსახური“-ს თანამშრომლებს, რომელთაც სურთ ისარგებლონ გაუმჯობესებული ინდივიდუალური ან საოჯახო სადაზღვევო პაკეტით, შესთავაზოს არანაკლებ 1 (ერთი) გაუმჯობესებული პაკეტის ვარიანტი. თანამშრომლის მიერ გაუმჯობესებული სადაზღვევო პაკეტის არჩევის შემთხვევაში,

მხარეთა ხელმოწერები

„მზღვეველი“

„დამზღვევი“

შემსყიდველი დაფარავს საბაზისო პაკეტის ღირებულებას, ხოლო თანამშრომელი გადაუხდის სადაზღვევო კომპანიას სხვაობას, საბაზისო პაკეტის ღირებულებასა და არჩეულ, გაუმჯობესებულ ინდივიდუალური ან საოჯახო პაკეტის ღირებულებას შორის. შემსყიდველი თანამშრომელს დაუქვითავს ხელფასიდან აღნიშნულ სხვაობას და გადაურიცხავს სადაზღვევო კომპანიას.

5. მხარეთა უფლება-მოვალეობები

5.1. „შემსყიდველის“/„დამზღვევის“ უფლება-მოვალეობები:

5.1.1. „შემსყიდველი“/„დამზღვევი“ და „თანამშრომელი“ ვალდებულია, მოახდინოს „მიმწოდებელთან“/„მზღვეველთან“ ანგარიშსწორება წინამდებარე ხელშეკრულებით გათვალისწინებული პირობებით;

5.1.2. „შემსყიდველი“/„დამზღვევი“ ვალდებულია უზრუნველყოს „დაზღვეულებისათვის“ თანდართული „დაზღვევის პირობების“ (დანართი №1) გაცნობა.

5.1.3. „შემსყიდველი“/„დამზღვევი“ უფლებამოსილია მოსთხოვოს „მიმწოდებელს“/„მზღვეველს“ წინამდებარე ხელშეკრულებით და თანდართული „დაზღვევის პირობებით“ ნაკისრი ვალდებულებების ჯეროვანი შესრულება;

5.1.4. „შემსყიდველი“/„დამზღვევი“ ვალდებულია „მიმწოდებლის“/„მზღვეველის“ მოთხოვნის შემთხვევაში, წარუდგინოს მას თანამშრომელთა დანიშვნისა და გათავისუფლების ბრძანებები და სხვა საჭირო დოკუმენტაცია

5.1.5. „შემსყიდველი“/„დამზღვევი“ („დაზღვეული“) უფლებამოსილია უარი განაცხადოს სადაზღვევო პრემიის გაცემაზე „მიმწოდებლის“/„მზღვეველის“ მიერ წინამდებარე ხელშეკრულებით ნაკისრ ვალდებულებათა შეუსრულებლობის ან არაჯეროვანი შესრულების შემთხვევაში;

5.2. „მიმწოდებლის“/„მზღვეველის“ უფლება-მოვალეობები:

5.2.1. „მიმწოდებელი“/„მზღვეველი“ ვალდებულია გაუწიოს „შემსყიდველს“/„დამზღვევს“ წინამდებარე ხელშეკრულებით და შესაბამისი სატენდერო დოკუმენტაციით განსაზღვრული მომსახურება.

5.2.2. „მიმწოდებელი“/„მზღვეველი“ უფლებამოსილია, მოსთხოვოს „შემსყიდველს“/„დამზღვევს“ და „თანამშრომელს“ მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

5.2.3. იმ შემთხვევაში თუ, წინამდებარე ხელშეკრულებით გათვალისწინებული მომსახურება არ აღმოჩნდება სრულყოფილი, „მიმწოდებელი“/„მზღვეველი“ ვალდებულია, „შემსყიდველის“/„დამზღვევის“ მოთხოვნისთანავე გამოასწოროს ეს ნაკლი.

5.2.4. „მიმწოდებელი“/„მზღვეველი“ უფლებამოსილია, არ გასცეს სადაზღვევო ანაზღაურება, თუ „შემსყიდველი“/„დამზღვევი“ თავისი მოქმედებით ხელს შეუშლის სადაზღვევო შემთხვევის გამოძვევი გარემოებების დადგენას ან/და იმ იურიდიული ან ფიზიკური პირის დადგენას, რომელთა ქმედებით დადგა სადაზღვევო შემთხვევა.

5.2.5. „მიმწოდებელი“/„მზღვეველი“ უფლებამოსილია მოსთხოვოს „შემსყიდველს“/„დამზღვევს“ წინამდებარე ხელშეკრულებით ნაკისრი ვალდებულებების ჯეროვანი შესრულება;

5.2.6. „მიმწოდებელი“/„მზღვეველი“ უფლებამოსილია უარი განაცხადოს სადაზღვევო ანაზღაურების გაცემაზე „შემსყიდველის“/„დამზღვევის“ („დაზღვეულის“) მიერ წინამდებარე ხელშეკრულებით ნაკისრ ვალდებულებათა შეუსრულებლობის ან არაჯეროვანი შესრულების შემთხვევაში;

5.2.7. „მიმწოდებელი“/„მზღვეველი“ უფლებამოსილია განახორციელოს ნებისმიერ სამედიცინო დაწესებულებაში დაზღვეულისთვის გაწეულ სამედიცინო მომსახურებასთან დაკავშირებული ნებისმიერი სამედიცინო და ფინანსური დოკუმენტაციის ინსპექტირება/შემოწმება და შესწავლა;

6. განსაკუთრებული პირობა

6.1. წინამდებარე ხელშეკრულების მიხედვით, „დაზღვევის პირობები“ თითოეულ „დაზღვეულზე“ გავრცელდება („დაზღვეული“ პირი ჩაითვლება დაზღვეულად), ან დაზღვეულთა სიიდან „დაზღვეული“ ამოღებული იქნება „მიმწოდებლის“/„მზღვეველის“ მიერ „შემსყიდველის“/„დამზღვევის“ მხრიდან შესაბამისი წერილობითი შეტყობინების მიღების დღის მომდევნო დღიდან. წერილობითი შეტყობინებად ჩაითვლება მზღვეველის ელექტრონული ფოსტის მისამართზე – l.verulashvili@primeinsurance.ge დამზღვევის ელექტრონული ფოსტის შემდეგი მისამართიდან – hidrographia@gmail.com – ელექტრონული წერილის მიღება წინამდებარე პუნქტით გათვალისწინებული ცვლილებების შესახებ.

6.2. „დაზღვეულთა“ სიაში დამზღვევის „თანამშრომელთა“ და მათი ოჯახის წევრთა გარდა დაუშვებელია სხვა პირების შეყვანა. დაზღვეულთა სიაში პირის შეყვანის წინაპირობას წარმოადგენს:

ა) თანამშრომლის შემთხვევაში – „შემსყიდველის“/„დამზღვევის“ წერილობითი შეტყობინება, სადაც დადასტურებული იქნება პირის თანამშრომლად აყვანის ფაქტი, მითითებული იქნება პირის თანამშრომლად აყვანის თარიღი და ასევე სხვა აუცილებელი ინფორმაცია, რაც საჭიროა პირის იდენტიფიცირებისათვის;

ბ) თანამშრომლის ოჯახის წევრის შემთხვევაში – ამ უკანასკნელის თანამშრომელთან ნათესაური კავშირის დამადასტურებელი დოკუმენტი (ქორწინების მოწმობა, დაბადების მოწმობა და სხვა დოკუმენტი „მიმწოდებლის“/„მზღვეველი“-ს მოთხოვნის შესაბამისად).

6.3. „დამზღვევი“ ადასტურებს, რომ „დაზღვეულებისგან“ მოპოვებული აქვს წერილობითი თანხმობა, რომლის საფუძველზეც „მზღვეველს“ მინიჭებული აქვს უფლებამოსილება წინამდებარე ხელშეკრულებით ნაკისრი ვალდებულებების შესრულების მიზნით განახორციელოს „დაზღვეულის“ „პერსონალურ მონაცემთა დაცვის შესახებ“ საქართველოს 2011 წლის 28 დეკემბრის კანონით განსაზღვრული პერსონალური მონაცემის, მათ შორის ამავე კანონით გათვალისწინებული განსაკუთრებული კატეგორიის მონაცემის დამუშავება თავისი შეხედულებისამებრ და საჭიროების შემთხვევაში წინამდებარე პუნქტში მითითებულ მონაცემთა გადაცემა როგორც საქართველოს, ასევე სხვა სახელმწიფოს საჯარო თუ კერძო დაწესებულებებისთვის/ორგანიზაციებისთვის; მოიპოვოს დაზღვეულის შესახებ ნებისმიერი ინფორმაცია/დოკუმენტაცია, რომელსაც პირდაპირ თუ ირიბად შეიძლება კავშირი ჰქონდეს წინამდებარე სადაზღვევო ხელშეკრულებით გათვალისწინებულ მხარეთა ვალდებულებებთან, სადაზღვევო შემთხვევასთან ან/და ზიანის ოდენობასთან, ნებისმიერი კერძო თუ საჯარო დაწესებულებიდან/ორგანიზაციიდან, მათ შორის სამედიცინო დაწესებულებებიდან, საჯარო რეესტრიდან, სახელმწიფო სერვისების განვითარების სააგენტოდან და სამართალდამცავი მხარეთა ხელმოწერები

ორგანოებიდან. „დამზღვევი“ ვალდებულია წინამდებარე პუნქტით გათვალისწინებული „დაზღვეულების“ წერილობითი თანხმობა მიაწოდოს „მზღვევლს“ მისი მოთხოვნის შემთხვევაში დაუყოვნებლივ, თუმცა არაუგვიანეს წინამდებარე ხელშეკრულების ხელმოწერიდან 1 (ერთი) თვისა.

7. ხელშეკრულების შესრულების კონტროლი

- 7.1. „შემსყიდველი“/„დამზღვევი“ ახორციელებს კონტროლსა და ზედამხედველობას „მიმწოდებლის“/„მზღვეველის“ მიერ ხელშეკრულების პირობების შესრულებაზე.
- 7.2. ხელშეკრულების მიმდინარეობასა და შესრულებაზე კონტროლს განახორციელებს „შემსყიდველის“ მიერ გამოყოფილი თანამშრომელი. ადმინისტრაციული სამმართველოს უფროსი.
- 7.3. „შემსყიდველის“/„დამზღვევის“ მხრიდან ინსპექტირების შედეგად გამოვლენილი დეფექტების აღმოფხვრა ხორციელდება „მიმწოდებლის“/„მზღვეველის“ მიერ დამატებითი დანახარჯების გაწევის გარეშე.

8. მხარეთა პასუხისმგებლობა

- 8.1. მხარეები პასუხს აგებენ ერთმანეთის წინაშე მათ მიერ წინამდებარე ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის მოქმედი კანონმდებლობის შესაბამისად.
- 8.2. თუ ხელშეკრულების ერთი მხარე ხელშეკრულებით გათვალისწინებულ ვადაში არ ასრულებს ან არაჯეროვნად ასრულებს ხელშეკრულებით ნაკისრ ვალდებულებას, მეორე მხარე წერილობითი ფორმით უწესებს მას დამატებით ვადას ხელშეკრულებით გათვალისწინებული პირობების შესრულებისათვის.
- 8.3. ხელშეკრულების ერთი მხარის მიერ დამატებით ვადაში ვალდებულების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

9. ფორს-მაჟორი

- 9.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვნად შესრულების ან ვადის გადაცილებისათვის თუკი, შეუსრულებლობა გამომწვეულია ფორს-მაჟორული გარემოებებით.
- 9.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).
- 9.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორსმაჟორული გარემოებებისაგან.

10. ხელშეკრულების შეწყვეტა

- 10.1. წინამდებარე ხელშეკრულების შეწყვეტის საფუძველი შეიძლება გახდეს:
- 10.1.1. „მხარეთა“ შორის წერილობითი შეთანხმება;
- 10.1.2. ერთი „მხარის“ ინიციატივით, მეორე „მხარის“ მიერ ნაკისრი ვალდებულების დარღვევის შემთხვევაში, წინასწარ, 1 (ერთი) თვით ადრე გაკეთებული წერილობითი შეტყობინება;
- 10.1.3. საქართველოს კანონმდებლობით გათვალისწინებული სხვა შემთხვევები.
- 10.2. ხელშეკრულების შეწყვეტა არ ათავისუფლებს მხარეებს ვადადამდგარი ვალდებულებების შესრულებისაგან.
- 10.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

11. ხელშეკრულების პირობების შეცვლა

- 11.1. ხელშეკრულების პირობების შეცვლა დაუშვებელია თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები „შემსყიდველისათვის“/„დამზღვევისათვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 11.2. თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით.
- 11.3. ხელშეკრულებითა და ხელშეკრულებაზე თანდართული დანართებით გათვალისწინებული პირობების შეცვლა შესაძლებელია მხარეთა გადაწყვეტილებით, რომელიც ფორმდება მხარეების მიერ დოკუმენტურად, შეთანხმების აქტის მეშვეობით. მხარეთა გადაწყვეტილებით მიღებული ცვლილებები, რომელიც შეეხება ხელშეკრულების რომელიმე მუხლს ან ხელშეკრულებაზე თანდართული დანართების რომელიმე ნაწილს, ჩათვლება ხელშეკრულების განუყოფელ ნაწილად.

12. სადაო საკითხების გადაწყვეტა

- 12.1. „შემსყიდველმა“/„დამზღვევმა“ და „მიმწოდებელმა“/„მზღვეველმა“ უნდა იხმაროს ყველა ღონე, რათა მათ შორის ყველა უთანხმოება და დავა წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

მხარეთა ხელმოწერები

„მზღვეველი“

„დამზღვევი“

12.2. თუ „შემსყიდველი“/„დამზღვევი“ და „მიმწოდებელი“/„მზღვეველი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავას გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

13. დასკვნითი დებულებები

13.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონის მიხედვით.

13.2. წინამდებარე ხელშეკრულებაში ნებისმიერი ცვლილება ან/და დამატება შესაძლებელია განხორციელდეს „მხარეთა“ მიერ გაფორმებული წერილობითი შეთანხმების საფუძველზე, გარდა წინამდებარე ხელშეკრულების დანართ N2-ში შესატანი ცვლილებებისა, რაც ხორციელდება 6.1. პუნქტის შესაბამისად, „დამზღვევის“ წერილობითი შეტყობინების საფუძველზე; ასევე, პროვაიდერთა სიაში ცვლილება არ საჭიროებს მხარეთა შორის დამატებითი შეთანხმების გაფორმებას, აღნიშნულის თაობაზე, დამზღვევს ეცნობება წერილობით ან ელექტრონულად 6.1. პუნქტში მითითებულ „დამზღვევი“-ს ელექტრონულ მისამართზე.

13.3. არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15. მხარეთა რეკვიზიტები:

„შემსყიდველი“/„დამზღვევი“

მის: ქ. ფოთი. დ. თავდადებულის ქ. N 93

ს/კ 215082764

Tel: 0 (493) 274998

ელ.ფოსტა: hidrographia@gmail.com

საბანკო რეკვიზიტები:

მიმღები ბანკი: სახელმწიფო ხაზინა

ბანკის კოდი: TRESGE22 ა/ა 707247519

დირექტორი:

_____/რ. ბაბილუა/

„მიმწოდებელი“/„მზღვეველი“

ა: ქ. თბილისი; უნივერსიტეტის ქუჩა N 24,

სართული 6, სადარბაზო 1, ოფისი N 6.

ს/კ 204540274

ტელ: 577654423; ფაქსი: 2241525

ელ. ფოსტა: info@primeinsurance.ge

საბანკო რეკვიზიტები:

მიმღები ბანკი: სს საქართველოს ბანკი

ბანკის კოდი: BAGAGE22

ა/ა GE71BG0000000622481900

გენერალური დირექტორი:

ნიჯატ ჰუსეინოვი_____

მხარეთა ხელმოწერები

„მზღვეველი“

„დამზღვევი“